



Na osnovu člana 47. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17, 15/20), u vezi sa članom 74a. Zakona o državnoj službi u Federaciji BiH („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 -Presuda ustavnog suda Federacije Bosne i Hercegovine broj: U-13/16), a u skladu sa članom 3. Pravilnika o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu („Službeni glasnik Unsko-sanskog kantona“, broj: 23/17), Agencija za državnu službu Federacije Bosne i Hercegovine na zahtjev Općine Sanski Most, objavljuje

## **JAVNI KONKURS za prijem volontera u Općini Sanski Most**

**01. Volonter, sa diplomom visokog obrazovanja VII stepena pravne struke ili diplomom visoko obrazovanje prvog, drugog ili trećeg ciklusa Bolonjskog sistema studiranja pravne struke -2 (dva) izvršioca**

**02. Volonter, sa diplomom visokog obrazovanja VII stepena ekonomske struke ili diplomom visoko obrazovanje prvog, drugog ili trećeg ciklusa Bolonjskog sistema studiranja ekonomske struke -1 (jedan) izvršilac**

**03. Volonter, sa diplomom visokog obrazovanja VII stepena poljoprivredne struke ili diplomom visoko obrazovanje prvog, drugog ili trećeg ciklusa Bolonjskog sistema studiranja poljoprivredne struke -1 (jedan) izvršilac**

**Kandidati moraju ispunjavati opće uslove iz člana 35. Zakona o državnoj službi u Unsko-sanskom kantonu, kako slijedi:**

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uslovi za njihovo obavljanje u organima državne službe u Unsko-sanskom kantonu;
4. da je zdravstveno sposoban za obavljanje poslova utvrđenih za to radno mjesto;
5. da u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine;
7. da se protiv njega ne vodi krivični postupak.

**Pored općih uslova navedenih u javnom konkursu, kandidati moraju ispunjavati i sljedeće posebne uslove, i to:**

**Za poziciju 01:**

-posjedovanje diplome visokog obrazovanja VII stepena pravne struke ili diplome visokog obrazovanje prvog, drugog ili trećeg ciklusa Bolonjskog sistema studiranja pravne struke.

**Za poziciju 02:**

-posjedovanje diplome visokog obrazovanja VII stepena ekonomske struke ili diplome visokog obrazovanja prvog, drugog ili trećeg ciklusa Bolonjskog sistema studiranja ekonomske struke.

**Za poziciju 03:**

-posjedovanje diplome visokog obrazovanja VII stepena poljoprivredne struke ili diplome visokog obrazovanja prvog, drugog ili trećeg ciklusa Bolonjskog sistema studiranja poljoprivredne struke.

Izbor i prijem volontera izvršit će se izvršiti na osnovu jedinstvenih kriterija utvrđenih Pravilnikom o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu („Službeni glasnik Unsko-sanskog kantona“, broj: 23/17).

**Napomena:** Stručno osposobljavanje volontera trajat će 1 (jednu) godinu. Lice koje nakon stečene visoke stručne spreme ima ostvaren radni staž u struci ili radno iskustvo u struci stečeno volontiranjem od jedne godine ili više, ne može se primati u radni odnos kao pripravnik, niti se može primati na stručno osposobljavanje za samostalan rad bez zasnivanja radnog odnosa kao volonter, u skladu sa odredbama Pravilnika.

**Prijavljivanje - potrebni dokumenti (originali ili ovjerene kopije):**

1. diploma o završenom visokom obrazovanju (nostrificirana diploma, ukoliko diploma nije stečena u BiH ili je diploma stečena u nekoj od država nastaloj raspadom SFRJ nakon 06.04.1992. godine). **Napomena:** Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.
2. uvjerenje visokoškolske institucije o prosjeku ocjena nakon završenog studija,
3. uvjerenje Zavoda za zapošljavanje o dužini trajanja nezaposlenosti nakon sticanja diplome visokog obrazovanja VII stepena ili prvog (240 ECTS), drugog ili trećeg ciklusa Bolonjskog sistema studiranja (ukoliko se kandidat nalazi na evidenciji Zavoda),
4. rješenje o utvrđenom stepenu invalidnosti (ukoliko je kod kandidata utvrđen stepen invalidnosti 60% i više),
5. popunjen prijavni obrazac za pripravnike Agencije za državnu službu Federacije BiH (može se preuzeti u Službi za postavljenja u organima državne službe u Unsko-sanskom kantonu sa sjedištem u Bijaću, ul. Kralja Tvrtka 3, ili na web stranici Agencije ([www.adsfbih.gov.ba](http://www.adsfbih.gov.ba))).

Agencija može u svakoj fazi konkursne procedure zatražiti od kandidata na uvid originale priloženih ovjerenih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Dokumente kojima se dokazuje ispunjavanje općih uslova konkursa, izabrani kandidati će dostaviti Općini Sanski Most u roku od 7 (sedam) dana od dana prijema obavještenja o rezultatima konkursa.

Kandidat koji u bilo čemu ne postupi po navodima javnog konkursa bit će isključen iz konkursne procedure, bez mogućnosti ponavljanja propuštene radnje.

Prijava sa potrebnim dokumentima dostavlja se u roku od 8 (osam) dana od dana objave javnog konkursa na web stranici Agencije ([www.adsfbih.gov.ba](http://www.adsfbih.gov.ba)), putem pošte, preporučeno na adresu:

**Agencija za državnu službu Federacije BiH  
Služba za postavljenja u organima državne službe u Unsko–sanskom kantonu  
ul. Kralja Tvrtka 3  
77000 Bihac**

**sa naznakom:**

**“Javni konkurs za prijem volontera u Općini Sanski Most: 13-30-8-39/23“**

**D I R E K T O R**

**Refik Begić, magistar uprave**